



Publicaziuns dalla vischnaunca, jamna 16

Damondas da baghegiar

2023-1037.000

Datum dalla publicaziun: 21 d'avrel 2023

Patrun: Baugesellschaft Residenza Pazzola, Via Lucmagn 7, 7180 Disentis/Mustér
Representants: ipz ingenieure + planer ag, Via Lucmagn 7, 7180 Disentis/Mustér, architectura
tambornino, Via Principala 44, 7166 Trun
Intenziun: Construcziun nova da dus edificis da habitar cun 12 habitaziuns administradas
turisticamein tenor art. 7. Al. 2. Lit. B ZWG
Parcella: 1619
Adressa: Gassa da Cuoz 3, 7186 Segnas
Zona: Zona da habitar 2 (H2)
Zona da prighel: Nagina
Plan da quartier: Plan da quartier Cuoz

2023-1043.000

Datum dalla publicaziun: 21 d'avrel 2023

Patrun: Rico Kümmin, Tramstrasse 123, 5034 Suhr
Representant: Rico Kümmin, Tramstrasse 123, 5034 Suhr
Intenziun: Procedura posteriura; niev indrez da sauna el liber
Parcella: 1236
Adressa: Via Plauncas 6, 7180 Disentis/Mustér
Zona: Zona dil vitg engrondida (VE)
Zona da prighel: Zona da prighel 2 (blaua)

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2023-1022.000

Corporaziun d'aua Spina da Vin, 7180 Disentis/Mustér; sanaziun dallas tschaffadas d'aua Rosas, parcella 2541, Val Acletta, 7180 Disentis/Mustér.

Uffeci da baghegiar Disentis/Mustér



Annunzias da baghegiar

All'instanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau ils suandonts projects:

Nr. 2022-2097.000

Swisscom (Schweiz) AG, Alte Tiefenaustrasse 6, 3050 Bern; adattaziuns tier las lingias da comunicaziun, parcella 1328, Via Acletta, 7180 Disentis/Mustér.

Nr. 2023-2027.000

Denise e Victor Flepp-Deplazes, Via Clis 33, 7180 Disentis/Mustér; lavurs da manteniment vid las fatschadas ed il barcuns, parcella 1419, Via Clis 33, 7180 Disentis/Mustér.

Nr. 2023-2028.000

Luzia e Francestg Cajacob-Chistell, Via Sut Baselgia 3, 7180 Disentis/Mustér; remplazzament dalla porta garascha, parcella 1300, Via Sut Baselgia 3, 7180 Disentis/Mustér.

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **gievvia, ils 4 da matg 2023**, allas 19.30 en halla Cons.

Tractandas:

1. Protocol 21-2021/2024
2. «Ovra solara Magriel»: Presentaziun ed orientaziun davart il project entras representants dall, Axpo
3. Rapport da gestiun e quen 2022 (messadi 36-2021/2024)
4. Ura da damondas (conform ad art. 44 dil regulativ da fatschentas)

La presidenta dil cussegl da vischnaunca

Referendum facultativ

A caschun da sia seduta dils 18 d'avrel 2023 ha il cussegl da vischnaunca approbau cun 13 encunter neginas vuschs (1 abstenziun) la revisiun totala dalla lescha da pumpiers sco era la revisiun parziala dils statuts Pumpiers Sursassiala. Plinavon ha il parlament communal concediu cun 12 encunter 2 vuschs in credit per la realisaziun dil project «la pendentia» da maximalmein frs. 390 000.—.

Conform ad art. 21 lit. b e c dalla constituziun communal ein quels conclus suttemess al referendum facultativ. Ils messadis sco era la lescha da pumpiers ed ils statuts Pumpiers Sursassiala ein exponi per investa en casa communal (stanza nr. 10).

Enteifer 20 dis dapi la publicaziun officiala han 80 votantase votants la pussevividad d'inoltrar enviers sura conclus il referendum e pretender ina votaziun dil pievel.

Suprastonza communal



Serrada Via Alpettas

En connex cun la realisaziun dalla surbaghegiada alla Via Alpettas 12 ha igl uffeci da baghegiar concediu la lubientscha da serrar la Via Alpettas en connex cul plaz d'installaziun. Ils impediments sin la Via Alpettas vegnan signalisai. Per pedunzs, per velocipedists ei la via adina aviarta. Ils convischins pertuccai han adina la pussevliadad da carrar entochen il dacasa. La part enviers vest sa carrar sur la pista da baghegiar construida sin parcella 1729 ed ils convischins ella part digl ost han la pussevliadad sco entochen da cheu sur la via Alpettas e Via Faltscharidas.

Per prevegnir ad accidents supplichein nus vischinas e vischins d'observar las directivas signalisadas.

Bien engraziament per la capientscha.

Disentis/Mustér, ils 18 d'avrel 2023

Uffeci infrastruttura e baghegiar Disentis/Mustér

Rimnada da pupi

Venderdis, ils 21-4-2023!

Preziadas convischinas, prezai convischins. La rimnada da pupi digl avrel ha liug sco usitau.

Adatg! Ei vegn mo rimnau: gasettas, illustradas, catalogs, cudischs e prospectes stampai. Il pupi sto vegnir deponius sper via (sche pusseivel in di avon) Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora e buca duront la rimnada.

Bien engraziament per Vies agid e sustegn!

Nossa Scola populara Mustér, Ch. Berger.

Introducziun register funsil federal vischnaunca Disentis/Mustér

Territoris restonts dalla vischnaunca da Disentis/Mustér (parts dallas sorts da mesiraziun 3, 7, 10, 12, plans dil register funsil nrs. 38-41, 44-47 sco era plans da survesta 1:10'000)

Il Departement d'economia publica e fatgs socials dil Grischun ha disponiu l'introducziun dil register funsil federal sur ils territoris restonts dalla vischnaunca da Disentis/Mustér (sorts da mesiraziun 3, 7, 10, 12, plans dil register funsil nrs. 38-41, 44-47 sco era plans da survesta 1:10'000).

Sebasond sin art. 10 dall'Ordinaziun dil register funsil el cantun Grischun (KGBV; BR 217.100) vegnan tuttas persunas, che

- fan valer dretgs, ils quals ein aunc buca impurtai el register funsil cantunal, ni
- giavischan midadas, cassaziuns d'impurtaziuns fallidas ni da talas che han piars lur muntada, supplicadas, d'annunziar quei entochen ils **30 da zercladur 2023** agl Uffeci funsil Cadi, Via Sursilvana 18, 7180 Disentis/Mustér.

Formulars d'annunzia resp. ulteriuras infos san ins retrer tier igl uffeci funsil ni sin la pagina d'internet sut www.gbacadi.ch. L'investa el register funsil existent sa succeder sin preannunzia telefonica tier igl Uffeci funsil Cadi (081 920 33 44).

7180 Disentis/Mustér, 21 d'avrel 2023

Uffeci funsil Cadi
Igl administratur, Martin Monn



Grundbuchanlage Gemeinde Disentis/Mustér

Ausstehende Gebiete der Gemeinde Disentis/Mustér (Teile der Vermessungslose 3, 7, 10, 12, Pläne für das Grundbuch Nrn. 38-41, 44-47 sowie Übersichtspläne 1:10'000)

Das Departement für Volkswirtschaft und Soziales Graubünden hat die Einführung des eidgenössischen Grundbuches über die noch ausstehenden Gebiete der Gemeinde Disentis/Mustér (Vermessungslose 3, 7, 10, 12, Pläne für das Grundbuch Nrn. 38-41, 44-47 sowie Übersichtspläne 1:10'000) angeordnet. Im Sinne von Art. 10 der VO betreffend das Grundbuch im Kanton Graubünden (KGBV; BR 217.100) werden alle Personen, die innerhalb dieses Bezugsgebietes

a) Rechte beanspruchen, welche in den kantonalen Grundbucheinrichtungen noch nicht eingetragen sind, oder

b) Änderungen oder Löschungen von unrichtigen oder bedeutungslos gewordenen Eintragungen beantragen, aufgefordert, diese bis am **30. Juni 2023** beim Grundbuchamt Cadi, Via Sursilvana 18, 7180 Disentis/Mustér, anzumelden.

Anmeldeformulare bzw. übrige Infos können beim Grundbuchamt oder unter www.gbacadi.ch bezogen werden. Einsichtnahme in die kantonale Grundbucheinrichtung kann auf telefonische Voranmeldung beim Grundbuchamt Cadi (081 920 33 44) erfolgen.

7180 Disentis/Mustér, 21. April 2023

Grundbuchamt Cadi,
Der Grundbuchverwalter, Martin Monn

Cuors da romontsch per affons da 3 entochen 5 onns da lungatg jester

Liug dil cuors: Disentis/Mustér

Di dil cuors: mintgamai il mardis

Temps: 8.30–9.20 ad Acletta (bus local stat a disposiziun)

Datum: **12 da settember 2023 entochen il zercladur 2024** (cun excepziun dallas vacanzas da scola)

Menadra dil cuors ed informaziuns: Andrea Schmed, Disentis/Mustér (079 430 03 72)

Cuosts: Contribuziun dils geniturs frs. 160.– incl. material (frs. 5.– per lecziun)

Annunzia: Entochen **ils 12 da matg** sut admin@disentis.ch ni (081 920 36 36).

Quei cuors vegn sustenius dalla vischnaunca da Mustér e dil cantun. Il cuors vegn menaus enteifer il project «Wunderfitz e Redeblitz» (www.wunderfitzundredeblitz.ch).

Departament da sanadad, scolaziun, cultura e sport

geraua Jris Lombris

Corporaziun d'alp Cristallina

Alp Cristallina

Cordiala invitaziun tier nossa radunonza generala da proprietaris da dretgs d'alp che ha liug **sonda, ils 6 da matg 2023** allas 20.00 ell'ustria Cresta a Segnas. Sco usitau vegn purschii ina tscheina a tuts presents. Propostas san vegnir inoltradas a scret al president Anselm Sialm tochen ils 4 da matg 2023.

Sin stedia participaziun selegra

la suprastonza



Secziun da catschadurs Péz Alpetta

Super Lotto

Sonda, ils 6 da matg 2023 allas 20.00 el Center Fontauna (sala Fontauna) a Disentis/Mustér. Prevendita naven dallas 18.30. Bus gratuit naven da Flem. Dapli informaziuns sin <https://www.pez-alpetta.ch>

Organisau dalla secziun da catschadurs Péz Alpetta
